



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### კომანდელი

კომანდელი, სოფელი რაჭა-ლეჩხუმისა და ქვემო სვანეთის რეგიონის ონის მუნიციპალიტეტში, მდ-ების – რიონისა და ჯვჯორის შესართავთან. თემის ცენტრი (სოფლები: კ., სომინო, სხიერი, ქორთა, ქრისტესი, ხირხონისი). ზ.დ. 880 მ, ონიდან 2 კმ. 55 მცხ. (2014).

კ. წერილობით წყაროებში პირველად ა. გიულდენშტედტთანაა დამონმებული. ვახუშტი ბაგრატიონის (XVIII ს.) რამდენიმე რუკაზე სოფელი გამყრელიძის სახელწოდებითაა დატანილი. კ-ში შემორჩენილია ფეოდალური ხანის ძალზე დაზიანებული ციხის ნანგრევები, რ-იც გამყრელიძეთა ციხე-დარბაზის ნაშთს წარმოადგენს.

*თ. ბერაძე*

---